

【無礙慧】科註第八四一頁第二行《魏譯》作「無礙智」
《佛學大辭典》「無礙智」條（節錄）：（術語）謂佛智之
通達自在也。

法華經化城喻品曰：「如來無礙智。知彼佛滅度。及聲聞
菩薩。如見今滅度。」涅槃經八曰：「如來不爾。悉知自地及以
他地。是故如來名無礙智。」大集經一曰：「無礙智慧無有邊，
善解眾生三世事。」無量壽經下曰：「佛眼具足，覺了法性，以
無礙智為人演說。」

【如如】（科註第八四一頁第二行）

《佛學大辭典》（節錄）：（術語）楞伽經所說五法之一。法
性之理體，不二平等，故云如，彼此之諸法皆如，故云如如，
是正智所契之理體也。

大乘義章三曰：「言如如者是前正智所契之理，諸法體同，
故名為如。就一如中體備法界恒沙佛法，隨法辨如，如義非一，
彼此皆如，故曰如如。如非虛妄，故復經中亦名真如。」玄應
音義二十三曰：「如如歷法非一，故曰如如。」無量壽經下曰：
「從如來生，解法如如。」同淨願疏曰：「空同故曰如，解知一
切萬法皆如，名解如如。」佛性論二曰：「如者有二義：一如如
智，二如如境。並不倒故名如如。」